

## Landbruksfagrådet i Austrheim – Årsmelding 2013

Landbruksfagrådet vart oppretta ved kommunestyrevedtak i 2003 som oppfølging av tiltaksdelen i landbruksplanen. Vedtekter vart vedtekne i kommunestyret i 2004. Medlemene (5 stk) med personlege vara vert valde av kommunestyret, bondelaget, landbrukskvinnelaget, sauallslaget og viltfagrådet. Rådet skal arbeida med gjennomføring av handlingsdelen av landbruksplanen og vera rådgjevande for kommunestyret i landbruksrelaterte saker. Den kommunale landbruksforvaltninga skal vera sekretariat. Rådet skal leggja fram årsmelding.

For perioden 2011 - 2015 har rådet følgjande medlemmar:

Medlem	Vara
Austrheim kommune Asbjørn Brandtun – leiar	David Ludvigsen
Landbrukskvinnelaget Linda Syslak - nestleiar	Svanhild Neteland
Bondelaget Jan Ove Arnø	Knut Daae
Sauallslaget Reidar Øksnes	Tomas Lerøy
Viltfagrådet Øyvind Ullestad	Johnny Fønnes

Hausten 2014 har landbruksfagrådet invitert unge bønder i Austrheim til å ta del på møta i landbruksfagrådet: Per-Kristian Austrheim Løvmo, Robert Hjertås,

### Tema på dagsorden:

- Austrheim heile livet – landbruksfagrådet fekk orientering av prosjektleiar Frode Hervik, og fekk høve til å kome med innspel.
- Reguleringsplan for Krossøy – orientering av avdelingsleiar Asbjørn N Toft. Landbruksfagrådet har gitt innspel til reguleringsplanen.
- Tømmerkaiaen på Eidsnes – orientering av samfunns- og næringsutviklar i Austrheim og Lindås: Øystein Sørhaug.
- Beitebruksplan for Austrheim kommune. Tema har vore sett på dagsorden og diskutert.
- Landbruksfagrådet har vore pådrivarar for å få avsett midlar på Austrheim kommune sitt budsjett øyremerka til tiltak i landbruket. Det var avsett 300 000 kr i 2013. Alle midlane er løyvd.
- Orientering om mogleg utviding av felles landbrukskontor for Austrheim, Fedje og Radøy. Lindås, Meland og Modalen har søkt seg inn i felles landbrukskontor. Landbruksfagrådet har gitt uttale knytta til planane.
- Orientering om skogplanting av sitkagran og norsk gran
- Orientering om områdeplan for Nordre Fønnesvågen ved avdelingsleiar Asbjørn N Toft. Innspel frå Landbruksfagrådet til områdeplanen
- Møte på Spjeldnes gard i Lindås. Informasjon og erfaringsutveksling i høve til å ta i bruk eldre sauefjøs til ny næring – i dette tilfellet: møte og selskapslokale.

### Saker som landbruksfagrådet har arbeidd med:

Rådet har hatt 4 møte og handsama 40 saker i 2013. Dei viktigaste sakene har vore

- Få sett av midlar øyremerka til tiltak i landbruket i Austrheim
- Kva midlane øyremerka til tiltak i landbruket skal brukast til
- Innspel til prosessen kring mogleg utviding av felles landbrukskontor for Austrheim, Fedje og Radøy – Lindås, Meland og Modalen ynskjer være del av felles landbrukskontor
- Innspel til områdeplan for Nordre Fønnesvågen

### Beitebruksplan/kulturlandskapsskjøtsel

I 2007 vart det starta arbeid med plan for kulturlandskapsskjøtsel og beitebruk. Målet var å organisera beiting over større område for på den måten å hindra at landskapet gror til.

3 prosjekt er med i landskap i drift (LID) som fylkesmannen driv. Søre Fønnesmarka kom med i 2013. Frå tidlegare har vi Sætremarka og Synnevåg/Utkilen.

**Bruk av midlar til kulturlandskapet – SMIL m.m.**

Kommunen får tildelt statlege midlar (SMIL = spesielle miljøtiltak i landbrukets kulturlandskap) til fordeling til aktive bønder som gjer særskilt innsats for kulturlandskapet. For 2013 fekk kommunen tildelt kr 150.000. I tillegg kunne ein nytta inndregne midlar og ubrukte midlar - i alt kr 176.000. Desse er løyvde til konkrete tiltak i samband med beitebruksplanen og andre tiltak i kulturlandskapet. (Det er laga eigen rapport om bruken av midlane.)

På vegne av landbruksfagrådet

Toril M Mullen  
Landbrukssjef for Austrheim, Fedje og Radøy